

四庫全書

史部

欽定四庫全書

皇王大紀卷十六

宋 胡宏 撰

三王紀

成王

解



坎下震上

初六无咎

患難既解惟自處剛柔得宜安靜休息則无咎矣

九二

田獲三狐得黃矢貞吉

田者去害之事狐者邪媚之獸三狐指卦之三陰也獲謂能變

化除去二以陽剛得中之才上應六五之君用於時者也六五應柔明不能照威不足畏剛不能斷小人一近之則移其心矣二既當用必去羣邪則得黃矢中直六之道乃真正而吉也桓敬不去武三思不知是義也

三負且乘致寇至貞吝

陰柔小人宜在下以負荷而在下之上且乘車必致寇奪之至

夫小人而竊位雖勉為正事而氣質卑下其何能久終可吝也九四解而拇朋至斯孚

陽剛大臣解去應已之小人則君子之朋來至誠相得矣六五君子維有解吉有孚

於小人居尊位為解之主人君之解也以君子通言之君子所解去者小人也小人去是以吉也驗於

小人之黨去則是上六公用射隼于高墉之上獲之无君子能有解也

不利尊高之地故曰公隼喻驚害小人高墉防限内外之嚴者也在其上而未去乃害之堅強者也上居

解極解道已至器已成故能射而獲損䷨兌下初九之天下之患解已盡矣何所不利

已事遄往无咎酌損之損已陽剛益四陰柔事既已則損去之不居其功乃无咎也損

已益上之道當酌度其九二利貞征凶弗損益之

以柔說應

上則失其剛中之德故戒以利在貞正不可征也征則離乎中而失其止是以凶也惟不自損其剛貞則能益

陰柔之君六三三人行則損一人一人行則得其友三

謂下三陽上三陰三陽同行則損九三以益上三陰同行則損上六以益三而初二二陽四五二陰同德相比

三與上應而一卦皆成而相與也如是則志專皆為得其友矣天下无二者一與二相對待生生之本也三

則餘而六四損其疾使遄有喜无咎

初之益四損其柔而益之以剛損其

疾也損其不善惟使之遄速六五或益之十朋之龜弗克

違元吉

人君能虛中自損以從順在下之賢則天下孰不損已自盡以益之故或有益之之事則十朋

助之矣謀從衆則合天心雖龜筮不能違也可謂大善之吉也上九弗損益之无咎貞

吉利有攸往得臣无家

不行其損變而以剛陽之道益於下则无咎而得其正且吉在上能

不損其下而益之則得人

益

震下巽上

初六利用為大

作元吉无咎

四巽順之主上能巽於君下能巽於賢在下者不能有為也得在上者應從之則宜

輔上作益天下之事所為大善而吉则上下皆无咎也

六二或益之十朋之龜弗

克違永貞吉王用享于帝吉

二處中正虛其中以求益而能從順天下孰不願告

而益之衆人所是理之當也龜亦弗能違也然質本陰柔故戒永貞固則吉也如二之虛中永貞用以享帝猶

當獲吉況於人乎

六三益之用凶事无咎有孚中行告公用圭

三居陽應剛動之極果於為益者也惟用之於患難非常之事則无咎也下專自任上必忌疾雖義在可為然必有其孚誠而所為合於中道則誠意通於上而上信與之矣主通誠信之物也六四中行告

公從利用為依遷國

四大臣居正然處不得中中所應又

可告於公上而獲信從矣以其柔巽故用利於上依剛中之君下順剛陽之才以其行事遷國者順下而動者也九五有孚惠心勿問元吉有孚惠我德

以九五之德之才之位而

中心至誠在惠益於物其至善大吉勿問可知君至誠益於天下天下之人無不至誠愛戴以德澤為恩惠也

上九莫益之或擊之立心勿恒凶

居亢位之地非行益於人者也所應者陰

非取善自益者也以剛而求益之極眾所共惡故莫益之而或攻擊之矣人存心不可惠利勿恒如是凶之道

也所當

夬

乾上

初九壯于前趾往不勝為咎

初陽

體剛健乃在下而居決時壯于前進者也九二惕號莫

夜有戎勿恤

二處中居柔處夬之至善者也內懷兢惕外嚴誠號雖暮夜有兵戎亦可勿恤矣

九三壯于頄有凶獨行遇雨君子夬夬若濡有愠无咎

夬夬之時三居下體之上又處健體之極上有君而自

任其剛決壯于頄者也頄顙骨也有凶之道也與上六

為正應而違群陽而獨行則與上六陰陽和合惟君子

知其非則能果決其決絕之若見濡汙有愠之色如此

无過九四臀无膚其行次且牽羊悔亡聞言不信

以陽居陰

剛決不足欲止則衆陽並進臀无膚言其居不安也欲行則不能強進故云其行次且也若能自強牽挽以從

羣行可以亡其悔然既處柔九五覓陸夬夬中行无咎

雖使問是言必不能信用也

五為夬陰之主而反於上六其咎大矣五雖感於陰而決斷之易如覓陸然則於中行之德為无咎覓陸曝之

難乾感陰氣之多而

上六无號終有凶

危極之小人故

云无號終有凶也

姤䷫ 巽下乾上 初六繫于金柅貞吉有攸

往見凶羸豕蹢躅

陰物而生而將長金柅止車

有魚无咎不利賓

九三臀无膚其行次且厲无大咎

九四包无魚起凶

九五以杞包瓜含章

有隕自天

闕

上九姤其角吝无咎

闕

萃



坤下兌上

初六有孚不終乃亂乃萃若號

一握為笑勿恤往无咎

闕

六二引吉无咎孚乃利用禴

闕

六

三萃如嗟如无攸利往无咎小吝

陰下不中正求四則非其應非其類為四

所棄與二則三自以中正應五故萃如則為人棄絕而嗟如无所利也與上居相應之地處說順之極當萃之

時以類相從故往從於上則得无咎也然九四大吉无動為如此然後得其所求亦可小羞吝也

咎

當萃之時得上下之聚可謂善矣然以陽居陰非正也雖上得君下得民必得大吉然後為无咎也大為

周徧之義无所不周然後為大无所不正則為大吉大吉則无咎矣非理枉道而得君者自古多矣非理枉道

而得民者蓋亦有焉如陳恒季氏得為大吉為无咎乎

九五萃有位无咎匪孚元

永貞悔亡

萃天下之眾以陽剛居尊有其位矣得中正之道无過咎也如是而有不信未服者則當

自反以修其元永貞之德则无思不服上六齎咨涕洟而悔亡矣悔者志之未光心之未慊也

无咎

陰柔說高之位而處之天下莫肯與也其窮至於咨嗟涕洟不知所為此所自取也

升



巽下

初六允升大吉

初陰柔无應不能自升信二而與之同升乃大吉也從剛中之賢以

進是由剛中之道也吉孰大焉

九二孚乃利用禴无咎

以剛強之臣事柔弱之君又當

升之時非至誠相交其免於咎云孚乃者謂既乃宜不用文飾專以其誠感通於上也如是則得无咎

九

三升虛邑

陽剛正而且巽上皆順之復有援者以是而升如入无人之邑孰禦哉

六四王

用亨于岐山吉无咎

昔者文王居于岐山之下上順天子欲升其道下順天下之賢使之

升進已則柔順謙恭不出其位至德如此周之王業用是而亨也四居近君之位任升之時不可復升升則凶

咎可知故云如文王則吉而无咎也分雖當止而道則當升也

六五貞吉升階

五以下有剛中

之應故能居尊位而吉然質本陰柔必守貞固篤於任賢乃得其吉也賢者輔之而升猶升自階言有由而易也上六冥升利于不息之貞

陰居升極昏冥於升不止者也惟于貞正之德自強

不息以上六不已之用之於此則利也



坎下兌上

初六臀困于株木入

於幽谷三歲不覿

六陰柔處至卑而居坎險之下不能自濟賴上而援而四以陽居陰失其

剛而不中正又方困於自揜臂所以居也株木無技葉之木也故初無所庇不得安居也益迷闇動入於幽谷耳三歲不覿終不見其事也九二困于酒食朱紱方來利用亨祀征

凶无咎

二剛中窮厄無所動其心惟困於其所欲者施惠天下也酒食人所欲而所以施惠也朱紱王

者之服蔽膝也二困於下五道同德合以來相求故云朱紱方來也利用至誠相通如亨祀也若不待時而征

乃不安其所為困所動六三困于石據于蒺藜入于其

也犯難得凶將誰咎乎

宮不見其妻凶陰柔不中正石堅重難勝之物蒺藜刺

堅不可犯益自困耳以不善居九二剛中之正其不安

猶據蒺藜也宮所居以安妻所之主也進退皆困處又

失其所安則惟死

而已其凶可知九四來徐徐困于金車吝有終

當時

相求援助理當然也二有剛中之才而初比之時四與

初進應已不中正疑其少已而與二改其來遲疑困于

金車金剛車在下載已者也四所行如此為九五劓刖

可吝然事之歸者正也初四正應終必相從九五劓刖

困于赤紱乃徐有說利用祭祀

截鼻曰劓去足曰刖上下皆揜于陰為其傷害

也人君之困由上下無與也赤紱臣下之服以天下不

來故云困於赤紱二五道同德合徐必相應是始困而

徐有喜悅也利用如祭祀致其誠敬祭上六困于葛藟

于艱碗曰動悔有悔征吉

因既極矣猶葛藟之纏束而居高艱碗危動不安若能曰

動輒得悔當變前之所為能有所悔則得吉也以說處進可以離乎困矣

井 ䷯

巽下坎上初六

井泥不食舊井无禽

陰柔居下上無應援無上水之象乃井之井泥不食可也不可食則

廢矣井水之上人獲其用禽鳥亦就而求焉舊廢之井禽鳥亦不復往矣

九二井谷射鮒甃

敝漏

上無應而比視不上而下之象如澗谷之水傍出而就下注於鰕鮒而已如甃之敝漏水不用焉

九三井渫不食為我心測可用汲王明並受其福

陽剛居正

在下未得其困如井之渫治清潔而不食為其心之惻怛陽性上而應上處剛而過中切於汲而食也異乎用

之則行舍之則藏者矣然明王用人豈求備也舉而用之則上下並受其福也六四井甃无咎

雖陰柔而處正上承陽剛中正之君但能處正不闕其事亦可以免咎也甃砌累也謂修治也才不足以廣施

利物亦可九五井冽寒泉食陽剛中正居尊位才德盡自守者也

為人上六井收勿幕有孚无吉上出為用收汲取也取食也

常大用之吉也它卦之終篇極為與革三三離下初九

鞏用黄牛之革變革事之大也其才德剛明有餘而中

之革言當以順六二已日乃革之征吉无咎中正無偏

自固無妄動也理應上得權勢體无違悖時可矣位得矣才足矣然臣

道不當為革之先又必待上下之信已乃革之也以二

體柔而進緩當位而處固聖人慮其失可為
之時故戒以當進行其道則吉而无咎也 九三征凶

貞厲革言三就有孚

闕於革以是而行則有凶也然居下之上事苟當革豈可不為在

乎守貞正而懷危懼審當革之言至於三而
皆合則已可孚而衆信也如此則可革矣 九四悔亡

有孚改命吉

事之可悔而後革之四之才之時之位之志之勢之用革之當也故其悔亡既事當

而改革處之以至誠則

九五大人虎變未占有孚

以陽剛之

才中正之德居尊位大人也以大人之道革天下之事
無不當也所過變化事理炳著如虎之文采不待占決

知其至當而

上六君子豹變小人革面征凶居貞吉

革道

成矣善良以變革如豹之彬彬蔚矣小人雖未能心化革
其外不為惡矣苟更從而深治之則為已甚凶道也革

至於成當貞固以守不則鼎䷱巽下初六鼎顛趾利所革隨變故居貞則吉也

出否得妄以其子无咎

六在下鼎趾之象顛趾則覆其實矣然傾出敗惡則顛趾之利

也四近君大臣之位而初應之乃上求於下下求於上如罪之顛趾未為悖理也若得良妄則能補助致其主於无咎也子主也六陰居九二鼎有實我仇有疾不我下而卑巽從陽妄之象也

能即吉

以剛實居中鼎中有實之象仇對也陰陽相對之物謂初也我若對之則非正而害義是有疾

也當以正自守使之不能來就已而上從六五之君則得正而其道可亨是以吉也九三鼎耳革

其行塞雉膏不食方雨虧悔終吉

鼎耳六五也為鼎之主三與之非應而才

德相革異與有異故其行塞五文明之德故謂之雉三既道不行故不得雉膏祿位而食之也三剛正而能巽

五柔中而文明方將陰陽和合而時雨也九四鼎折足

覆公餗其形渥凶

下應於初陰柔小人不可用者也而四用之其不勝而敗事猶鼎之折足

傾覆公上之餗也居大臣之位當天

六五鼎黃耳金鉉

利貞

五在鼎上耳之象也鼎之舉措在耳為鼎之主也鉉如耳者也五有中德故云黃耳二有剛中之德

而應於五故為金鉉二五相應至善也利在貞固而已

上九鼎玉鉉大吉不利

在上鉉之象九雖剛陽而居陰履柔不極剛而能溫者也故云玉鉉剛柔適宜動靜適宜居成功之道也故大

吉無不利鉉在上雖居無位之地實當用也與他卦異矣井亦然

震



震下

初九震

來虢虢後笑言啞啞吉

如震之來當震之始若能懼恐周旋顧慮虢虢然不敢寧止則

終必保其
安吉也
六二震來厲億喪貝躋于九陵勿逐七日得

九震之主震則動而上震奮彼來既猛則處危矣度不能當必喪其所有之具則升九重至高之陵以避遠之然不可自失其守退避自守處震之大方也卦有六三

震蘇蘇震行无眚

陰柔不正故當震則蘇蘇然神氣緩散自失也若震懼而能行去不止而

就正則可以
无過眚也
九四震遂泥闕

六五震往來厲億无喪有事

五有中德者也動而上往則柔不可居動而下

來則剛不可犯是往來皆危也當君位為動之主隨宜應變在中而已故當億度圖慮無喪失其所有之事而

已謂中德也

上六震索索視矍矍征凶震不于其躬于其鄰

无咎婚媾有言

陰柔居震動之極志氣殫索瞻視矍矍然不安足之貌如是而征凶可知矣若

能震懼於未及身之前則不至於極矣故得无咎苟不至於篤極尚有可改之道柔處震終有能變之義上始變而終變與諸處震者異矣故婚媾有言也

艮



艮上

初六艮其趾无咎

利永貞

以柔處下當止之時也止於動之初未至失正故无咎也以其陰柔故戒以利在常永貞固

六二艮其腓不拯其隨其心不快

二中正三成止之主剛而失中不能降而

從二也腓隨股而動者也二之行上繫乎三也二既不得以其道拯救三之失則必勉強而隨之故其心不快不得行

九三艮其限列其夤厲熏心

限謂上下之際三以剛居剛而不中

為成艮之主決止於下之上不復能進退者也如人之
列絕其負臂則上下相從屬言止之堅強也止道貴乎
從宜而一定如此則處世乖戾與六四艮其身无咎四
物睽絕危厲不安熏灼其心矣

臣之位止天下之當止也以陰柔而不遇陽剛六五艮
之居惟能止物施於止則有咎矣无取之甚也

其輔言有序悔亡

輔言之所出也艮其輔止于中也止
于輔則不妄出而有序也言輕發而

無序則有悔止之於輔則悔亡也五陰柔
不足主天下之止故止取慎于言之義

上九敦艮吉

剛實居止而又成艮之止在艮之終止之至堅篤者也
敦篤實也人之止難於有終故節或移於晚守或失於
終事或廢於久此敦艮之所漸



艮下

初六鴻漸于

干小子厲有言无咎

鴻之為物至有時而羣有序不失
其時序乃為漸取鴻象水鳥而止

於水渙其進可謂漸矣六以柔居下而上無應以此而進如鴻之止于干也小人幼子見而不能進故危懼而有言曾不知在下所以有進也用柔所以六二鴻漸于不躁也無應所以能漸也於義自无咎也

磐飲食衎衎吉

二五以中止之道相應其進之安固平安者江淮之濱所有其飲

食衎衎然和樂吉可知也

九三鴻漸于陸夫征不復婦

孕不育凶利禦寇

在下卦之上進進至於陸矣平高曰陸平原也志將進而上無應當守正

自處於平之地以俟時耳三與四相比而无應三若不守正往與四合不復反顧義理四若不以正而合於三雖孕而不育三之所利在禁禦非理六四鴻漸于木或而至者能禦寇則不至於終凶也

得其桷无咎

陰柔進據剛陽之上非安處也或能安寧之道則無咎也如鴻之于木本不安或得

平柯而處之則安四居止而巽順宜无咎
者也必以得失言者因得以明其義也
九五鴻漸于

陵婦三歲不孕終莫之勝吉

五居尊位猶鴻之漸于高陵與二為正應而三比二

四比五皆隔其交者也當漸之時未能即合故婦三歲不孕然中正之道有必亨之理不正豈能隔害之但其

合有漸耳終上九鴻漸于陸其羽可用為儀吉

安定胡公謂陸

當為達達雲路也上九在至高之位又益上進過於漸之時居巽之極必有其序是人超逸乎常事之外者也

進至於是不失其漸賢達之高致也故其歸妹



兌下初九歸妹以娣跛能履征吉

女之歸居下而无正應娣之象也剛陽在

婦人為賢貞之義娣雖賢何所能為如跛者能履言九不能及遠也然在其分為善故以是而行則吉也九

二眇能視利幽人之貞

九二剛陽而居中賢女也六五陰柔說體配不良也二雖賢不

能成其內助之功能小施之如眇者之能視而已二幽靜之人也言利如幽人之貞非不足而為之戒也六

三歸妹以須反歸以娣

三居下之上本非賤者以六居三德不正柔而尚剛行不順也

以說而動非理也无應无受之者也无所適故須也女子如是人誰取之不可以為人配矣當反歸而求為娣

勝則九四歸妹愆期遲歸有時

此女子居貴高之地有賢明之資者也以无正

應故為愆期若是女人情所願娶故其愆期乃為有時蓋自有待非不售也待得佳配而後行也六五

帝乙歸妹其君之袂不如其娣之袂良月幾望吉

尊貴之女

尚禮而不飾故其袂不如其娣之袂良也月幾望當不至於盈滿則不亢其夫乃為吉也女子處尊貴之道也

六五居尊位妹之貴高者也下應於二為下嫁之象王姬下嫁自古而然至帝乙而正婚姻之禮明男女之分也上六女承筐无實士刲羊无血无攸利女歸之終而无應无終者

也夫婦共承宗廟承事筐篚而无實乃夫不能奉祭祀也故刲羊而无血亦无以為祭也則當離絕之矣是夫婦之无終者也豐䷶離上初九遇其配主雖旬无咎何所往而利哉

往有尚

則致豐之道明動相資初九明之初位則相應用則相資故初謂配主旬均也天下之相應者常

非均敵惟豐之初四其用則相資其應則相感故六二雖均足剛陽相遇而无咎也往而相從可嘉尚也六二

豐其蔀日中見斗往得疑疾有孚發若吉

相動相資乃能成豐二至

明中正之方五乃柔暗不正之君二獨明不能成豐故為豐其蔀掩也晦於明也斗昏見者也豐時遇昏主猶

日中而見斗若往求之則疑猜忌疾惟盡其至誠以感發其志意而已苟誠意能動則蒙可開柔弱可輔不正可正是九三豐其沛日中見沫折其右肱无咎沛幡幔

以吉

固蔽於

內者其暗甚於蔽也三剛陽明體得正而反暗於四者豐之時而遇上六日中見沫也沫星之微細者也右肱人之所用賢者上无可賴之主則不能九四豐其蔀日有為如人之折其右肱也无所歸咎也

中見斗遇其夷主吉

四大臣剛陽為動之主然不中止而遇柔暗之君故不能致豐大遇

其等夷相應之主謂初也居大臣之位而得在下之賢同德相輔其輔宜小哉故吉也天下之豐必有君而後能六五來章有慶譽吉五既陰柔若能致六二文明中

致六五來章有慶譽吉

正章美之才而委任則可致豐

大之慶名譽之美故吉也五无虛上六豐其屋蔀其家已下賢之義聖人設此以為教耳

闕其戶聞其无人三歲不覿

凶處太高也居不明也以陰柔居豐大而在無位

之地乃高亢昏暗自絕於人人誰與之故窺其戶聞其无人至於三歲之久尚不見其人其才不能變也凶宜

矣

旅

離上艮下

初六旅瑣瑣斯其所取災

柔弱卑下之人既處旅困

鄙猥瑣細无所不至乃其所以致悔辱取災咎也才質如此上雖有援无能為也又在旅與他卦為大臣之位

者異六二旅即次懷其資得童僕貞

柔順中正故得就次舍懷畜其資財

又得童僕之貞良處旅之善者也不言吉者旅過之際得免於災厲則善矣

九三旅焚其次

喪其童僕貞厲

剛而不中正在下體之上與艮之上自高之象自高則不順於上上離也故

為焚其次過剛則暴下故失九四旅于處得其資斧我童僕之貞信此危厲之道也

心不快

陽剛處柔在上體之下有用柔能下之象為五所期為初所應旅得其處止得其資財器用之

利也然上无陽剛之與下惟陰柔之應故不能伸其才行其志其心不快也

六五射雉一矢

亡終以譽命

離為雉文明之物五居文明之位有文明之德動必中文明之道如射雉一矢而亡

之發無不中則終能致令譽有福祿也人居旅則失位故五不義

上九鳥焚其巢旅人

先笑後號咷喪牛于易凶

在旅之時謙降柔和乃自保上九過剛自高故為鳥焚巢

失所安也剛陽自處於至高始快於意故先笑既而失安莫與故號咷輕易以喪其順德是以凶也

巽

䷸

巽下巽上初六進退利武人之貞

陰柔居卑巽而承剛過于卑巽者也故恐畏不

安或進或退不知所從若能

九二巽在牀下用史巫紛

若吉无咎

於所安矣史巫者通誠意於神明者也紛若

多也苟至誠安於謙巽能使通於誠意者多則吉而无咎謂其誠足以動人也人不察其誠意則以過巽為諂

也

九三頻巽吝

以陽處剛不得其中又在下體之上非能巽者居巽之時處下而上臨之以巽

欲不巽得乎勉而為之故頻失而頻巽是可吝也

六四悔亡田獲三品

陰柔无援而承

乘皆剛宜有悔也而四以陰居陰得巽之正居上之下巽於上也以巽臨下巽於下也如田之獲三品適及上下善處如此

故得悔亡

九五貞吉悔亡无不利无初有終先庚三

日後庚三日吉

五居尊位為巽之主命令之所出也貞中正也處巽出令皆中正為吉貞非五之不足在

巽當戒也既貞則吉而悔亡无所不利也无初始未善也有終更之使善也十干戊巳為中過中則變故謂之庚事之改

更當原始要終能如是則吉也上九巽在牀下喪其資斧貞凶居巽之極過於

巽也陽剛本有斷以過巽而失其剛斷失其所有喪資斧也居上而過巽至於自失在正道為凶也兌

兌上初九和兌吉陽剛則不平居下則能巽處說則能和无應則不偏處說如是則吉

也九二孚兌吉悔亡二承比陰柔陰小人也說之則當有悔二剛中之德孚信內充雖比

小人自守不失故吉而悔亡六三來兌凶陰柔在中說不以道者也內為來比於在下之陽枉

已非道就以來說所以凶也不九四商兌未寧介疾有知外者以同體而陰性下也

喜四上承中正之五下比柔邪之三雖剛陽而不正三陰柔陽所說也故不能決商度所從而未定若介然

守正而疾惡邪九五孚于剝有厲剝者陰消陽之名九五居尊中正盡說道

之善矣雖舜之聖且畏巧言令色蓋說之惑人易入可
懼如此故聖人設戒以為五若誠心信小人少假善為
實善而不知其包藏則危道也如堯於四凶上六引兌

初取其畏罪而強仁及其終惡則誅之矣
上六成說之主居說之極說不知已引而
長之者也未見其所說善惡故不言悔吝
換



坎下
巽上

初六用拯馬壯吉

居換之初始換而拯之又得馬壯則
吉也馬謂二也兩皆無應親比相求

初陰順而託於二剛中之才以
拯其換則不至於換是以吉也
九二換奔其机悔亡
二

在

換離之時而處險中有悔可知机者俯憑以為安者也
故二目初為机初雖坎體而不在險中也當換離之時
兩皆无與陰陽相比相賴者也二急就於初
以為安則能亡其悔矣換之時以合力為勝
六三換其

躬无悔

三在換時獨有應與无換散之悔也然陰柔不
中止而上又居无位之地豈能拯時之換而及

人也止於其身
可以无悔而已
六四渙其群元吉渙有丘匪夷所思闕

九五渙汗其大號渙王居无咎

五與四君臣合德常使號令決於民心如

人身之汗浹於四體則信服而從矣大號謂新民之大命救渙之大政能濟天下之渙則居王位為稱而无咎也渙之四五通言其義者渙散其害惟君臣合德乃濟又義相須時之宜也上九渙其血去

遯出无咎

渙諸爻皆无係應惟上應三二居險陷之極有傷害畏懼之象上九居巽之極為能異順

於事理若能出於渙使其血去惕出則无咎

節

兌下坎上

初九不出戶庭无

咎

初以陽在下上復有應非能節者也初能固守終或渝之不謹於初安能有卒故於節之初戒之謹守至

於不出戶庭則无咎 九二不出門庭凶 二雖剛中之質然處陰不正也

居說失剛也承柔近邪也節之道當以剛中正二失其剛中之德不合於五是凶也 六三不節

若則嗟若无咎 六三不中正乘剛而臨險固宜有咎然柔順而和說若能自節而順於義則可

以无過不然則可傷嗟 六四安節亨 四順承九五剛中之道是以中正為

已所自致无所歸咎也 節也以限居陰安於正也當位為有節之象下應於初四坎體水也上溢為无節就下有節也知四之義安於

節者也故九五甘節吉往有尚 剛中正居尊位在巳則能致亨 安行天下則說從節之

甘美者也其吉可知以上六苦節貞凶悔亡 居節之極此而行有可嘉尚也 居險之極

節之苦者也固守則凶悔 中孚 兌下 初九虞吉有 而損過從中則凶亡矣



巽上

它不燕

中孚之初成其審其所信虞度其可信而後信則吉也既得所信則當誠一若有它則不得其

安樂

九二鳴鶴在陰其子和之我有好爵吾與爾靡之

闕

六三得敵或鼓或罷或泣或歌

三四皆以虛中為成孚之

主四得位居正故七四以從五三不中失正故得敵以累志或鼓張或罷廢或悲泣或歌樂動息憂樂皆係乎所信也雖未知吉凶非明達君子也六四月幾望馬匹亡无咎

四為成孚之主居近

君之位如望則敵矣臣如敵君禍敗必至故以幾望為至盛也四與初為正應匹也古者駕車用四馬不能純色則兩服兩駢各一色又小大必相稱故兩馬謂為對也馬者行物也初應四四亦從五皆上行也故以馬為

象孚道在一故四從五而不九五有孚攣如无咎人君當以

至誠感通天下使天下之心信之固結如拘攣然則為无咎也上九翰音登於天貞凶

陽性上進風體飛賜守孚至於窮極羽翰之小過



艮下初六飛鳥以凶陰柔小人上應於四四復動體小

震上初六飛鳥以凶人躁易而上有應於所當過必至

過甚況不當過而過乎其過如飛六二過其祖遇其妣

不及其君遇其臣无咎祖之象陰而尊者祖妣之象二

與五居相應之地同有柔中之德志不從於三四故過四而遇五也過之時必過其常故戒以不陵及於君適

當臣道九三弗過防之從或戕之凶小過陰過陽失位之時三獨居正在過防

於小人若弗過防之則或從而戕害之矣如是則凶也防小人之道正已為先三不失正故无必凶之義
四无咎弗過遇之往厲必戒勿用永貞 闕

六五密雲不雨自我西郊公弋取

彼在穴 闕

上六勿過遇之飛鳥離之凶是謂災眚

上陰而動體處過之地極不與理遇動皆過之知飛鳥之迅速違理過常之遠所以凶也既過之極豈惟人青天災亦至其凶可知 既濟 離下坎上 初九曳其輪濡其

尾无咎

初以陽居下上應於四又火體其進之志銳也時既濟矣進不已則及於悔吝故倒曳其輪使

不進也獸之涉水必揭其尾濡其毛則不能濟方既濟之初能止其進乃得无咎也六二婦喪其

茀勿逐七日得

二陰也故以婦言茀婦人出門以自蔽中正之德上應九五剛陽中正之君宜

得行其志者也然時既已濟王得尊位无復進而為矣故云不得逐其行也於斯時也則剛中反為中滿坎離乃為相戾矣然中正之道豈可廢也時過則行矣勿逐者自守不失也卦有六位七則變矣時變則終行矣

九三高宗伐鬼方三年克之小人勿用

既濟而用剛乃高宗伐鬼方之

事高宗天下之事既濟而遽伐暴亂也惟聖賢之君則可若小人為之則騁威武忿不服貪土地殘民肆欲而已故戒勿六四繻有衣袽終日戒

四在濟卦而水體故取舟為義四大臣既

當濟以防患慮變為急繻當作濡舟有罅漏則塞九五

以衣和衣和以備漏又當終日戒懼不怠也

東鄰殺牛不如西鄰之禴祭實受其福五中實孚也二

祭祀為義求鄰陽也上六濡其首厲 闕

未濟 ䷿ 坎下 初六濡

其尾吝 闕

九二曳其輪貞吉 闕

六三未濟征凶利涉大川 陰柔

正而居險不足以濟也未可有濟之道出險之用而征

所以凶也然未濟有可濟之道險中有出險之理上有

欽定四庫全書

皇王大紀

十九

剛陽之應若能涉險而往從之則濟矣故利濟大川也

九四貞吉悔亡震用伐鬼

方三年有賞於大國

濟天下之艱難非剛健之才不能也九以陽居柔故戒以貞固則吉

而悔亡當如古人震動用力遠伐鬼方至於三年然後成功而行大國之賞必如是乃能濟也六五貞

吉无悔君子之光有孚吉

五雖以柔居尊位居剛應剛其處得中虛其心而陽為之

輔至正至善德之吉也故无不濟之悔文明之主德上輝之盛而功實稱之有孚也時可濟矣故為吉也上

九有孚於飲酒无咎濡其首有孚失是

以剛在上剛之極也居明之上

明之極也剛極不能明明能燭理剛能斷義居未濟之極非得濟之位无可濟之理則當至誠自信於中安我命而自樂則可无咎若從樂而耽肆過禮放意而不及至濡其首則非能安於義命於有孚為失矣

皇王大紀卷十六

欽定四庫全書

皇王大紀卷十七

宋 胡宏 撰

三王紀

周成王

周公以君人之道在正其身正身之道在得其人左右
前後皆正人也然後身正身正則有司正庶事畢正而
天下皆正矣大君親庶事而官不擇人大亂之道也於
是作立政以告于王周書叙曰周公作立政立政周公

若曰拜手稽首告嗣天子王矣用咸戒于王曰王左右
常伯常任準人綴衣虎賁周公曰嗚呼休茲知恤鮮哉
古之人迪惟有夏乃有室大競籲俊尊上帝迪知忱恂
于九德之行乃敢告教厥后曰拜手稽首后矣曰宅乃
事宅乃牧宅乃準茲惟后矣謀面用丕訓德則乃宅人
茲乃三宅無義民桀德惟乃弗作往任是惟暴德罔後
亦越成湯陟丕釐上帝之耿命乃用三有宅克即宅曰
三有俊克即俊嚴惟丕式克用三宅三俊其在商邑用

協于厥邑其在四方用丕式見德嗚呼其在受德賢惟
羞刑暴德之人同于厥邦乃惟庶習逸德之人同于厥
政帝欽罰之乃俾我有夏式商受命奄旬萬姓亦越文
王武王克知三有宅心灼見三有俊心以敬事上帝立
民長伯立政任人準夫牧作三事虎賁綴衣趣馬小尹
左右攜僕百司庶府大都小伯藝人表臣百司太史尹
伯庶常吉士司徒司馬司空亞旅夷微盧烝三亳阪尹
文王惟克厥宅心乃克立茲常事司牧人以克俊有德

文王罔攸兼于庶言庶獄庶慎惟有司之牧夫是訓用
違庶獄庶慎文王罔敢知于茲亦越武王率惟敕功不
敢替厥義德率惟謀從容德以並受此丕丕基嗚呼孺
子王矣繼自今我其立政立事準人牧夫我其克灼知
厥若丕乃俾亂相我受民和我庶獄庶慎時則勿有間
之自一話一言我則末惟成德之彥以乂我受民嗚呼
予旦已受人之徽言咸告孺子王矣繼自今文子文孫
其勿誤于庶獄庶慎惟正是乂之自古商人亦越我周

文王立政立事牧夫準人則克宅之克由繹之茲乃俾
乂國則罔有立政用儉人不訓于德是罔顯在厥世繼
自今立政其勿以儉人其惟吉士用勸相我國家今文
子文孫孺子王矣其勿誤于庶獄庶慎惟有司之牧夫
其克詰爾戎兵以陟禹之迹方行天下至于海表罔有
不服以覲文王之耿光以揚武王之大烈嗚呼繼自今
後王立政其惟克用常人周公若曰太史司寇蘇公式
敬爾由獄以長我王國茲式有慎以列用中罰周公從

王東巡狩伐淮夷遂踐奄作成王政成王既踐奄將遷其君於蒲姑周公告召公作將蒲姑五月丁亥王來自奄至于宗周周公慮天下諸侯不知天命復有干紀亂正自取毀滅如奄君者於是訓戒庶邦作多方周書叙曰成王歸自奄在宗周誥庶邦作多方周公曰王若曰猷告爾四國多方惟爾殷侯尹民我惟大降爾命爾罔不知洪惟圖天之命弗永寅念于祀惟帝降格于夏有夏誕厥逸不肯感言于民乃大淫昏不克終日勸

于帝之迪乃爾攸聞厥圖帝之命不克開于民之麗乃
大降罰崇亂有夏因甲子內亂不克靈承于旅罔王惟
進之恭洪舒于民亦惟有夏之民叨憤日欽剝割夏邑
天惟時求民主乃大降顯休命于成湯刑殄有夏惟天
不畀純乃惟以爾多方之義民不克永于多享惟夏之
恭多士大不克明保享于民乃胥惟虐于民至于百為
大不克開乃惟成湯克以爾多方簡代夏作民主慎厥
麗乃勸厥民刑用勸以至于帝乙罔不明德慎罰亦克

用勸今至于爾辟弗克以爾多方享天之命嗚呼王若
曰誥告爾多方非天庸釋有夏非天庸釋有殷乃惟爾
辟以爾多方大淫圖天之命胥有辭乃惟有夏圖厥政
不集于享天降時喪有邦間之乃惟有商後王逸厥逸
圖厥政不蠲罔天惟降時喪惟聖罔念作狂惟狂克念
作聖天惟五年須臾之子孫誕作民主罔可念聽天惟
求爾多方大動以威開厥顧天惟爾多方罔堪顧之惟
我周王靈承于旅克堪用德惟典神天天惟式教我用

休簡畀殷命尹爾多方今我曷敢多誥我惟大降爾四
國民命爾曷不忱裕之于爾多方爾曷不夾介乂我周
王享天之命今爾尚宅爾宅畋爾田爾曷不忠王熙天
之命爾乃迪屢不靜爾心未愛爾乃不大宅天命爾乃
屑播天命爾乃自作不典圖忱于止我惟時其教告之
我惟時其戰要囚之至于再至于三乃有不用我降爾
命我乃其大罰殛之非我有周秉德不康寧乃惟爾自
速辜王曰嗚呼猷告爾有方多士暨殷多士今爾奔走

臣我監五祀越惟有胥伯小大多正爾罔不克臬自作
不和爾惟和哉爾室不睦爾惟和哉爾邑克明爾惟克
勤乃事爾尚不忌于凶德亦則以穆穆在乃位王曰嗚
呼多士爾不克勸忱我命爾亦則惟不克享凡民惟曰
不享爾乃惟逸惟頗大遠王命則惟爾多方探天之威
我則致天之罰離逖爾土王曰我不惟多誥我惟祇告
爾命又曰時惟爾初不克敬于和則無我怨

論曰多士今爾又曰夏迪簡在王庭有服在百

僚予一人惟聽用德宜在爾小子乃興從爾遷
之下多方克閱于乃邑謀介爾乃自時洛邑尚
永力畋爾田天惟畀矜爾我有周惟其大介賚
爾廸簡在王庭尚爾事有服在大僚宜在多士
予一人于聽用德之下而殷革夏命宜與肆予
敢求爾于天邑商相屬也伏生耄矣口授於人
文失其次如是止之則多士多方可讀而求其
義矣

肅慎氏來賀滅奄王俾榮伯作賄肅慎之命周公位冢宰正百工勤勞盡下一沐三握髮一飯三吐哺下白屋之士由是盡知天下賢才之滯淹者獄訟之失情者饑寒而無告者諸侯來朝大夫來聘各以戒之君卿士庶皆曰明哉周公何知我之悉乎交趾之南有越裳氏重三譯來朝贄以白雉周公曰德澤不加君子不享其贄政令不施君子不臣其人譯曰遠夷荒外有淒風苦雨之患今而無之長老曰必中國有聖人是以來也周公

乃致薦宗廟歸德于先王

七年初武王謂周公曰洛汭延于伊汭其地四平我南望三塗北望嶽鄙顧瞻有河粵詹伊洛毋遠天室宜營周居爾其成之於是王將宅洛邑居九鼎曰此天下中四方入貢道里均我寧王之命也乃命太保先至于洛卜宅作召誥周公繼之告于郊社庶殷丕作以圖及卜獻于王作洛誥明堂成圖堯舜桀紂善惡之狀于四門墉著興廢之戒焉孔子曰此周之所以盛也夫明鏡所

以察形往古所以知今人主襲迹於其所以安存則危
亡何從至哉周公朝諸侯于明堂歸政于王王負斧戣
南鄉而立三公中階之前北面東上諸侯之位阼階之
東西面北上諸伯之國西階之西東面北上諸子之國
門東北面東上諸男之國門西北面東上九夷之國東
門之外西面北上八蠻之國南門之外北面東上六戎
之國西門之外東面南上五狄之國北門之外南面東
上九采之國應門之外北面東上四塞世告至周書叙

召誥曰成王在豐欲宅洛邑使召公先相宅作召誥召誥惟二月既望越六日乙未王朝步自周則至于豐惟太保先周公相宅越若來三月惟丙午肫越三日戊申太保朝至于洛卜宅厥既得卜則經營越三日庚戌太保乃以庶殷攻位于洛汭越五日甲寅位成若翼日乙卯周公朝至于洛則達觀于新邑營越三日丁巳用牲于郊牛二越翼日戊午乃社于新邑牛一羊一豕一越七日甲子周公乃朝用書命庶殷侯甸男邦伯厥既命

庶殷庶殷丕作太保乃以庶邦冢君出取幣復入錫周
公曰拜手稽首旅王若公誥告庶殷越自乃御事嗚呼
皇天上帝改厥元子茲大國殷之命惟王受命無疆惟
休亦無疆惟恤嗚呼曷其奈何弗敬天既遐終大邦殷
之命茲殷多先哲王在天越厥後王後民茲服厥命厥
終智藏鰥在夫知保抱攜持厥婦子以哀籲天徂厥亡
出執嗚呼天亦哀于四方民其眷命用懋王其疾敬德
相古先民有夏天迪從子保面稽天若今時既墜厥命

今相有殷天迪格保面稽天若今時既墜厥命今冲子
嗣則無遺壽考曰其稽我古人之德矧曰其有能稽謀
自天嗚呼有王雖小元子哉其王能誠于小民今休王
不敢後用顧畏于民若王來紹上帝自服于上中旦曰
其作大邑其自時配皇天毖祀于上下其自時中乂王
厥有成命治民今休王先服殷御事比介于我有周御
事節性惟日其邁王敬作所不可不敬德我不可不監
于有夏亦不可不監于有殷我不敢知曰有夏服天命

惟有歷年我不敢知曰不其延惟不敬厥德乃早墜厥命我不敢知曰有殷受天命惟有歷年我不敢知曰不其延惟不敬厥德乃早墜厥命今王嗣受厥命我亦惟茲二國命嗣若功王乃初服嗚呼若生子罔不在厥初生自貽哲命今天其命哲命吉凶命歷年知今我初服宅新邑肆惟王其疾敬德王其德之用祈天永命其惟王勿以小民淫用非彝亦敢殄戮用乂民若有功其惟王位在德元小民乃惟刑用于天下越王顯上下勤恤

其曰我受天命丕若有夏歷年式勿替有殷歷年欲王
以小民受天永命拜手稽首曰予小臣敢以王之讐民
百君子越友民保受王威命明德王末有成命王亦顯
我非敢勤惟恭奉幣用供王能祈天永命周書叙洛誥
曰召公既相宅周公往營成周使來告卜作洛誥洛誥
惟三月哉生魄周公初基作新大邑于東國洛四方民
大和會侯甸男邦采衛百工播民和見士于周周公咸
勤乃洪大誥治周公拜手稽首曰朕復子明辟王如弗

敢及天基命定命予乃肩保大相東土其基作民明辟
予惟乙卯朝至于洛師我卜河朔黎水我乃卜澗水東
澶水西惟洛食我又卜澶水東亦惟洛食俾來以圖及
獻卜王拜手稽首曰公不敢不敬天之休來相宅其作
周匹休公既定宅俾來視予卜休恒吉我二人共貞公
其以予萬億年敬天之休拜手稽首誨言周公拜手稽
首曰王命予來承保乃文祖受命民越乃先烈考武王
弘朕恭孺子來相宅其大惇典殷獻民亂為四方新辟

作周恭先曰其自時中又萬邦成休惟王有成績予旦
以多子越御事篤前人成烈答其師作周孚先考朕昭
子刑乃單文祖德俾來茲殷乃命寧予以秬鬯二卣曰
明禋拜手稽首休享予不敢宿則禋于文王武王惠篤
叙無有邁自疾萬年厭于乃德殷乃引考王倅殷乃承
叙萬年其永觀朕子懷德王若曰公明保于冲子公稱
丕顯德以予小子揚文武烈奉答天命和恒四方民居
師惇宗將禮稱秩元祀咸秩無文惟公德明光于上下

勤施于四方旁作穆穆迓衡不遺文武勤教予冲子夙
夜忘祀周公曰王肇稱殷禮祀於新邑咸秩無文予齊
百工倂從王于周予惟曰庶有事今王即命曰記功宗
以功作元祀惟命曰汝受命篤弼丕視功載乃汝其悉
自教工孺子其朋孺子其朋其往無若火始焰焰厥攸
灼叙弗其絕厥若彛及撫事如予惟以在周工往新邑
倂嚮即有僚明作有功惇大成裕汝永有辭王曰公功
棐迪篤罔不若時公定予往已公功肅將祗歡公無困

哉我惟無斁其康事公勿替刑四方其世享公曰已汝
惟冲子惟終汝其敬識百辟享亦識其有不享享多儀
儀不及物惟曰不享惟不役志于享凡民惟曰不享惟
事其異侮乃惟孺子頒朕不暇聽朕教汝于棗民彛汝
乃是不覆乃時惟不永哉篤叙乃止父罔不若予不敢
廢乃命汝往敬哉茲予其明農哉彼裕我民無遠用戾
王曰公子小子其退即辟于周命公後四方迪亂未定
于宗禮亦未克敕公功迪將其後監我士師工誕保文

武受民亂為四輔十二月戊辰王在新邑烝祭歲文王
騂牛一武王騂牛一王命作冊逸祝冊惟告周公其後
王賓殺禋咸格王入太室裸王命周公後作冊逸誥惟
周公誕保文武受命惟七年魯侯伯禽東之國王若曰
處位必敬諫者無格其言通清白塞巧佞則君道也周
公曰汝慎無以魯國驕人仰祿之士猶可驕也正身之
士不可驕也性氣高明守之以恭聰明敏達守之以愚
博聞強記守之以約土地廣大守之以儉人衆共強守

之以畏祿位尊盛守之以謙君子不施其親不使大臣
怨乎不以故舊無大故則不棄也無求備於一人作敝
器以賜之曰是器也虛則敬中則正滿則覆戒之哉魯
公置之坐側名曰宥坐之器周頌首篇曰清廟一章八
句祀文王也周公既成洛邑朝諸侯率以祀文王焉於
穆清廟肅雝顯相於歎辭
穆美也濟濟多士秉文之德對越在
天駿奔走在廟不顯不承無射於人斯駿長也大
也射厭也周頌
二篇曰維天之命一章八句太平告文王也維天之命

於穆不已於乎不顯文王之德之純假以溢我我其收

之駿惠我文王

假嘉溢饒衍收聚駿大惠順也

曾孫篤之

篤厚也

周公三

篇曰維清一章五句奏象舞也維清緝熙文王之典

熙光

明也典法也

肇禋

肇始也禋祀也

迄用有成維周之禎

迄至禎祥也

周頌

四篇曰烈文一章十三句成王即政諸侯助祭也烈文辟

公

謂文王武王也

錫茲祉福惠我無疆子孫保之無封

大靡累也

于爾邦維王其崇

立也

之念茲戎

大功

繼序其皇

美也

之無

競

彊也

維人四方其訓

道也

之不顯維德百辟其刑之於乎

前王不忘

武王也

周頌五篇曰天作一章七句祀先王先

公也天作高山大王荒之

作生荒大也

彼作美文王康之彼

岵矣岐有夷之行

夷易也

子孫保之周頌六篇曰昊天有

成命一章七句郊祀天地也昊天有成命二后受之成

王不敢康夙夜基命宥密

二后文武也基始命信宥寬密寧也

於緝熙單

厥心肆其靖之

緝明熙廣單厚肆固靖和也

周頌七篇曰我將一章四句

祀文王於明堂也我將我享維羊維牛維天其右之

將大享獻也

儀式刑文王之典日靖四方伊嘏文王既右饗之

儀善刑法

典常靖謀
受福曰嘏

我其夙夜畏天之威于時保之周頌八篇曰

時邁一章十五句巡狩告祭柴望也時邁其邦昊天其

子之實右序有周薄言震之莫不震疊懷柔百神及河

喬嶽允王維后

邁行震動疊懼也懷柔
未安喬高嶽岱宗也

明昭有周式序

在位載戢干戈載櫜弓矢

戢聚櫜
韜也

我求懿德肆于時夏

允王保之

夏大允
信也

周頌九篇曰執競一章十四句祀武

王也執競武王無競維烈不顯成康上帝是皇

無競競
也烈業

也自彼成康奄有四方斤斤其明

斤斤明
察也

鐘鼓喤喤磬

筦將將降福穰穰降福簡簡威儀反反既醉既飽福祿

來反

哩哩和也將將集也穰穰多也簡簡大也反反難也反復也

周頌十篇曰思文

一章八句后稷配天也思文后稷克配彼天立我烝民

莫匪爾極貽我來牟帝命率育無此疆爾界陳常于時

夏

年麥率用也

周頌十一篇曰臣工諸侯助祭造於廟也嗟

嗟臣工敬爾在公王釐爾成來咨來茹

嗟嗟勅之也工官也公君也

嗟嗟保介維莫之春亦又何求如何新畀於皇來牟將

受厥明明昭上帝迄用康年

康樂也

命我衆人庀乃錢鎛

奄觀銍艾

序具錢鈔鑄鐸銍穫也

周頌十二篇曰噫嘻一章八句

春夏祈穀于上帝也噫嘻成王既昭假爾率時農夫播

厥百穀

噫歎也喜勅也

駿發爾私終三十里亦服爾耕十千維

耦

私民田也駮疾發伐也

周頌十三篇曰振鷺一章八句二王之

後來助祭也振鷺于飛于彼西雝我客戾止亦有斯容

振振群飛貌雝澤也客二王之後

在彼無惡在此無斁庶幾夙夜以永

終譽周頌十四篇曰豐年一章七句秋冬報也豐年多

黍多稌亦有高廩萬億及秭

豐大稌稻也

為酒為醴烝畀祖

妣以洽百禮降福孔皆

也皆徧

周頌十五篇曰有瞽一章

十三句始作樂而合乎祖也有瞽有瞽在周之庭設業

設虞崇牙樹羽應田縣鼓鞀磬祝圉

業大板也所以飾
拘植者為虞衡者

為柶崇牙上飾卷然可以縣也樹羽置羽也應小鞀既
田大鼓也縣鼓周鼓也桃小鼓也柷木控也圉楬也

備乃奏簫管備舉。嗶嗶厥聲。肅雝和鳴。先祖是聽。我客

庚止永觀厥成周頌十六篇曰潛一章六句季冬薦魚

春獻鮪也猗歟漆沮潛有多魚有鱣有鮪魚鰭魚里

摻潛

鰩也鱣大鯉也鮪也
白鰩也鰩鮐也

以饗以祀以介景福周頌十七篇

曰雖一章十六句禘太祖也有來雝雝至止肅肅相維

辟公天子穆穆於薦廣牡相予肆祀

相助廣大也

假哉皇考

綏予孝子宣哲維人文武維后

假嘉也

燕及皇天克昌厥

後綏我眉壽介以繁祉既右烈考亦右文母

烈考武王也文母太

也周頌十八篇曰載見一章十四句諸侯始見乎武王

廟也載見辟王曰求厥章龍旂陽陽和鈴央央絳革有

鷩休有烈光

載始也龍旂陽陽言有文章也和在前軾前鈴在旂上絳革有鷩有法度也

率見

昭考以孝以享以介眉壽永言保之思皇多祐

昭考武王也享

也獻烈文辟公綏以多福俾緝熙于純嘏俾使純大也周頌十

九篇曰有客一章十二句微子來見祖廟也有客有客

亦白其馬有萋有且敦琢其旅殷尚白也萋且敬慎也有客宿宿

有客信信言受之絜以絜其馬一宿曰宿再宿曰信欲繫其馬而留之薄

言追之左右綏之既有淫威降福孔夷淫大威則夷易也周頌

二十篇曰武一章七句奏大武也於皇武王無競維烈

允文文王克開厥後烈業也嗣武受之勝殷遏劉耆定爾

功武迹劉殺耆致也孔子曰韶盡美矣又盡善也武盡美矣未

盡善也故聞韶音不知肉味而問於賓牟賈曰夫武之
備戒之已久何也對曰病不得其衆也咏嘆之淫液之
何也對曰恐不逮事也發揚蹈厲之已蚤何也對曰及
時事也武坐致右憲左何也對曰非武坐也聲淫及商
何也對曰非武音也子曰若非武音則何音也對曰有
司失其傳也若非有司失其傳則武王之志荒矣子曰
唯丘聞諸萇弘亦若吾子之言是也賓牟賈起免席而
請曰夫武之備戒之已久則既聞命矣敢問遲之遲而

又久何也子曰居吾語女夫樂者象成者也總干而山立武王之事也發揚蹈厲太公之志也武亂皆坐周召之治也且夫武始而北出再成而滅商三成而南四成而南國是疆五成而分周公左召公右六成復綴以崇天子夾振之而駟伐盛威於中國也分夾而進事蚤濟也久立於綴以待諸侯之至也克商偃武脩文周道四達禮樂交通則夫武之遲久不亦宜乎周頌二十五篇曰載芟一章三十一句春籍田而祈社稷也載芟載柞其

耕澤澤千耦其耘徂隰徂畛侯主侯伯侯亞侯旅侯疆

侯

子除草曰芟除木曰柞吟場也主家長也伯長也

有

其饁思媚其婦有依其士

子賁衆貌士子弟也

有略其耜俶載南

畝播厥百穀實函斯活

略利也

驛驛其達有厭其傑厭厭

其苗緜緜其庶

達射也有厭其傑言傑苗厭然特美也庶耘也

載穫濟濟有實

其積萬億及秭

難也

為酒為醴烝畀祖妣以洽百禮有

飮其香邦家之光

香也

有椒其馨胡考之寧

椒猶飮也胡壽也考

成匪且有且匪今斯今振古如茲

且此振自也

周頌二十六

篇曰良耜一章二十三句秋報社稷也爰爰良耜俶載

南畝播厥百穀實函斯活

爰爰猶測測也

或來瞻女載筐及筥

其饌伊黍其笠伊糾其鉶斯趙以薈荼蓼

趙刺也蓼水草也

荼

蓼朽止黍稷茂止獲之捫捫積之栗栗其崇如墉其比

如櫛以開百室

捫捫穫聲也栗栗衆多也墉城也

百室盈止婦子寧止

殺時掇牡有捫其角以似以續續古之人

黃牛黑唇曰捫社稷之牛

角尺以似以續嗣前歲續往事也

周頌二十七篇曰絲衣一章九句繹

賓尸也絲衣其紃載弁俅俅自堂徂基自羊徂牛鼐鼎

及鼎

絲衣祭服也。紆潔群貌。俅俅恭順貌。基門塾之基。自羊俎牛言先小後大也。大鼎謂之鼎。小鼎謂之

鼎

兕觥其觶旨酒思柔不吳不敖胡考之休

柔安吳譁考成也

周頌二十八篇曰酌一章八句告成大武也言能酌先

祖之道以養天下也於鑠王師遵養時晦時純熙矣是

用大介

鑠美也

我龍受之蹻蹻王之造載用有嗣

龍和也蹻蹻武

貌造為也

實維爾公允師

公事也

周頌二十九篇曰桓一章九

句講武類禡也桓武志也綏萬邦屢豐年天命匪解桓

桓武王保有厥土于以四方克定厥家

士事也

於昭于天

皇以間之

間代也

周頌終三十一篇曰般一章七句巡狩

而祀四嶽河海也於皇時周陟其高山墮山喬嶽允猶

翕河

高山四嶽也墮山小者也翕合也

敷天之下哀時之對時周

之命

哀聚也

皇王大紀卷十七

欽定四庫全書

皇王大紀卷十八

宋 胡宏 撰

三王紀

成王

八年周公分正東郊理殷頑民周書叙曰成周既成遷
殷頑民周公以王命誥作多士多士惟三月周公初于
新邑洛用告商王士王若曰爾殷遺多士弗弔旻天大
降喪于殷我有周佑命將天明威致王罰勅殷命終于

帝肆爾多士非我小國敢弋殷命惟天不畀允罔固亂
弼我我其敢求位惟帝不畀惟我下民秉為惟天明畏
我聞曰上帝引逸有夏不適逸則惟帝降格嚮于時夏
弗克庸帝大淫佚有辭惟時天罔念聞厥惟廢元命降
致罰乃命爾先祖成湯革夏俊民甸四方自成湯至于
帝乙罔不明德恤祀亦惟天丕建保乂有殷殷王亦罔
敢失帝罔不配天其澤在今後嗣王誕罔顯于天矧曰
其有聽念于先王勤家誕淫厥佚罔顧于天顯民祗惟

時上帝不保降若茲大喪惟天不畀不明厥德凡四方
小大邦喪罔非有辭于罰王若曰爾多士今惟我周王
丕靈承帝事有命曰割殷告勅于帝惟我事不貳適惟
爾王家我適予其曰惟爾洪無度我不爾動自乃邑予
亦念天即于殷大戾肆不正王曰猷告爾多士予惟時
其遷居西爾非我一人奉德不康寧時惟天命無違朕
不敢有後無我怨惟爾知惟殷先人有冊有典殷革夏
命今爾其曰夏迪簡在王庭有服在百僚予一人惟聽

用德肆予敢求爾于天邑商予惟率肆矜爾非予罪時
惟天命王曰多士昔朕來自奄予大降爾四國民命我
乃明致天罰移爾遐逝比事臣我宗多遜王曰告爾殷
多士今予惟不爾殺予惟時命有申今朕作大邑于茲
洛予惟四方罔攸賓亦惟爾多士攸服奔走臣我多遜
爾乃尚有爾土爾乃尚寧幹止爾克敬天惟昇矜爾爾
不克敬爾不啻不有爾土予亦致天之罰于爾躬今爾
惟時宅爾邑繼爾居厥有幹有年于茲洛爾小子乃興從

爾遷今爾又曰夏迪簡在王庭有服在大僚予一人惟
聽用德克閱于乃邑謀介爾乃自時洛邑尚永力畋爾
田天惟畀矜爾我有周惟其大賚爾迪在王庭尚爾事
有服在大僚王曰又曰時予乃或言爾攸居初蔡叔既
囚其子仲克庸祗德周公以為卿士叔卒乃命諸王邛
之蔡周書叙曰蔡叔既沒王命蔡仲踐諸侯位作蔡仲
之命蔡仲之命王若曰小子胡惟爾率德改行克慎厥
猷肆予命爾侯于東土往即乃封敬哉爾尚蓋前人之

愆惟忠惟孝爾乃邁迹自身克勤無怠以垂憲乃後率
乃祖文王之彝訓無若爾考之違王命皇天無親惟德
是輔民心無常惟惠之懷為善不同同歸于治為惡不
同同歸于亂爾其戒哉慎厥初惟厥終終以不困不惟
厥終終以困窮懋乃攸績睦乃四隣以蕃王室以和兄
弟康濟小民率自中無作聰明亂舊章詳乃視聽無以
側言改厥度則予一人汝嘉王曰嗚呼小子胡汝往哉
無荒棄朕命蔡仲之國過洛見周公周公曰不如吾者

勿與處累我也與我齊者勿與處無益我也惟賢於已者可與處也

九年甲午周書叙曰成王既黜殷命滅淮夷還歸在豐作周官周官惟周王撫萬邦巡侯甸四征弗庭綏厥兆民六服羣辟罔不承德歸于宗周董正治官王曰若昔大猷制治于未亂保邦于未危曰唐虞稽古建官惟百內有百揆四岳外有州牧侯伯庶政惟和萬國咸寧夏商官倍亦克用乂明王立政不惟其官惟其人今予小

子祇勤于德夙夜不逮仰惟前代時若訓迪厥官立太師太傅太保茲惟三公論道經邦變理陰陽官不必備惟其人少師少傅少保曰三孤貳公弘化寅亮天地弼予一人冢宰掌邦治統百官均四海司徒掌邦教敷五典擾兆民宗伯掌邦禮治神人和上下司馬掌邦政統六師平邦國司寇掌邦禁詰姦慝刑暴亂司空掌邦土居四民時地利六卿分職各率其屬以倡九牧阜成兆民六年五服一朝又六年王乃時巡考制度于四岳諸

侯各朝于方岳大明黜陟王曰嗚呼凡我有官君子欽
乃攸司慎乃出令令出惟行弗惟反以公滅私民其允
懷學古入官議事以制政乃不迷其爾典常作之師無
以利口亂厥官蓄疑敗謀怠忽荒政不學牆面莅事惟
煩戒爾卿士功崇惟志業廣惟勤惟克果斷乃罔後艱
位不期驕祿不期侈恭儉惟德無載爾偽作德心逸日
休作偽心勞日拙居寵思危罔不惟畏弗畏入畏推賢
讓能庶官乃和不和政龐舉能其官惟爾之能稱匪其

人惟爾不任王曰嗚呼三事暨大夫敬爾有官亂爾有政以佑乃辟永康兆民萬邦惟無斃周官太宰之職掌建邦之六典一曰治典二曰教典三曰禮典四曰政典五曰刑典六曰事典以八法治官府一曰官屬以舉邦治二曰官職以辨邦治三曰官聯以會官治四曰官常以聽官治五曰官成以經邦治六曰官法以正邦治七曰官刑以糾邦治八曰官計以弊邦治以八則治都鄙一曰祭祀以馭其神二曰法則以馭其官三曰廢置以

馭其吏四曰祿位以馭其士五曰賦貢以馭其用六曰
禮俗以馭其民七曰刑賞以馭其威八曰田役以馭其
衆以八柄詔王羣臣一曰爵以馭其貴二曰祿以馭其
富三曰予以馭其幸四曰置以馭其行五曰生以馭其
福六曰奪以馭其貧七曰廢以馭其罪八曰誅以馭其
過以八統詔王馭萬民一曰親親二曰敬故三曰進賢
四曰使能五曰保庸六曰尊貴七曰達吏八曰禮賓以
九職任萬民一曰三農生九穀二曰園圃毓草木三曰

虞衡作山澤之材四曰藪牧以養蕃鳥獸五曰百工飭
化八材六曰商賈阜通貨賄七曰嬪婦化治絲枲八曰
臣妾聚斂䟽材九曰閒民無常職轉移執事以九賦斂
財賄一曰邦中二曰四郊三曰邦甸四曰家削五曰邦
縣六曰邦都七曰關市八曰山澤九曰幣餘以九式均
節財用一曰祭祀二曰賓客三曰喪荒四曰羞服五曰
工事六曰幣帛七曰芻秣八曰匪頒九曰好用以九貢
致邦國之用一曰祀二曰嬪三曰器四曰幣五曰材六

曰貨七曰服八曰狩九曰物以九兩繫邦國之民一曰
牧以地二曰長以貴三曰師以賢四曰儒以道五曰宗
以族六曰主以利七曰吏以治八曰友以任九曰藪以
富正月之吉始和布治于邦國都鄙乃縣治象之法于
象魏使萬民觀治象挾日而斂之乃施典于邦國而建
其牧立其監設其參傅其伍陳其殷置其輔乃施法于
官府而建其正立其貳設其攷陳其殷置其輔歲終則
令百官府各正其治受其會聽其致事而詔王廢置三

歲則大計羣吏之治而誅賞之小宰掌建邦之宮刑以治王宮之政令凡宮之糾禁以官府之六叙正羣吏一曰以叙正其位二曰以叙進其治三曰以叙作其事四曰以叙制其食五曰以叙受其會六曰以叙聽其情以官府六屬舉邦治一曰天官二曰地官三曰春官四曰夏官五曰秋官六曰冬官屬各六十大事從其長小事則專達以官府之六職辨邦治一曰治職以平邦國以均萬民以節財用二曰教職以安邦國以寧萬民以懷

賓客三曰禮職以和邦國以諧萬民以事鬼神四曰政
職以服邦國以正萬民以聚百物五曰刑職以詰邦國
以糾萬民以除盜賊六曰事職以富邦國以養萬民以
生百物以官府之六聯合邦治一曰祭祀二曰賓客三
曰喪荒四曰軍旅五曰田役六曰斂弛凡小事皆有聯
以官府之八成經邦治一曰聽政役以比居二曰聽師
田以簡稽三曰聽閭里以版圖四曰聽稱責以傳別五
曰聽祿位以禮命六曰聽取予以書契七曰聽賣買以

質劑八曰聽出入以要會以聽官府之六計弊羣吏之
治一曰廉善二曰廉能三曰廉敬四曰廉正五曰廉法
六曰廉辨以法掌祭祀朝覲會同賓客之戒具軍旅田
役喪荒亦如之七事者令百官府共其財用治其施舍
聽其治訟月終則以官之叙受羣吏之要贊冢宰受會
歲終則令羣吏致事正歲帥治官之屬而觀治象之法
徇以木鐸曰不用法者國有常刑乃退以宮刑憲禁于
王宮令于百官府曰各修乃職攷乃法待乃事以聽王

命其有不共則國有大刑宰夫掌治朝之法以正王及三公六卿大夫羣吏之位掌其禁令叙羣吏之治以待賓客之令諸臣之復萬民之逆掌百官府之徵令辨其八職一曰正掌官灋以治要二曰師掌官成以治凡三曰司掌官灋以治目四曰旅掌官常以治數五曰府掌官契以治藏六曰史掌官書以贊治七曰胥掌官叙以治叙八曰徒掌官令以徵令歲終則令羣吏正歲會月終則令正月要旬終則令正日成而以考其治治不以

時舉者以告而誅之正歲則以灋警戒羣吏令修宮中
之職事書其能者與其良者而以告于上大司徒以土
會之灋辨五地之物生一曰山林宜毛物宜阜物其民
毛而方二曰川澤宜鱗物宜膏物其民黑而津三曰丘
陵宜羽物宜毳物其民專而長四曰墳衍宜介物宜莢
物其民暫而瘠五曰原隰宜羸物宜叢物其民豐肉而
庫以荒政十有二聚萬民一曰散利二曰薄征三曰緩
刑四曰弛力五曰舍禁六曰去幾七曰省禮八曰殺哀

九曰蕃樂十曰多昏十有一曰索鬼神十有二曰除盜賊以保息六養萬民一曰慈幼二曰養老三曰振窮四曰恤貧五曰寬疾六曰安富以本俗六安萬民一曰嫗宮室二曰族墳墓三曰聯兄弟四曰聯師儒五曰聯朋友六曰同衣服頒職事十有二于邦國都鄙使以登萬民一曰稼穡二曰樹藝三曰作材四曰阜蕃五曰飭材六曰通材七曰化材八曰斂材九曰生材十曰學藝十有一曰世事十有二曰服事以鄉三物教萬民而賓興

之一曰六德知仁聖義忠和二曰六行孝友睦婣任恤
三曰六藝禮樂射御書數以鄉八刑糾萬民一曰不孝
之刑二曰不睦之刑三曰不婣之刑四曰不弟之刑五
曰不任之刑六曰不恤之刑七曰造言之刑八曰亂民
之刑以五禮防萬民之偽而教之中以六樂防萬民之
情而教之和凡萬民之不服教而有獄訟與有地治者
聽而斷之其附于刑者歸于士歲終則令教官正治而
致事正歲令于教官曰各共爾職修乃事以聽王命其

有不正則國有常刑小司徒掌建邦之教灋以稽國中
及四郊都鄙之夫家九比之數辨其貴賤老幼廢疾凡
征役之施舍與其祭祀飲食喪紀之禁令使六鄉之大
夫各登其鄉之衆寡六畜車輦辨其物以歲時入其數
乃會萬民之卒伍以起軍旅以作田役以比追胥以令
貢賦及三年則大比大比則受邦國之比要鄉大夫正
月之吉受教灋于司徒退而頒之于其鄉吏使各以教
其所治辨其可任者國中自七尺以及六十野自六尺

以及六十有伍皆征之其舍者國中貴者賢者能者服
公事者老者疾者皆舍歲終則令六鄉之吏皆會政致
事大比則攷其德行道藝而興賢者能者此謂使民興
賢出使長之使民興能入使治之族師五家為比十家
為聯五人為伍十人為聯四閭為族八閭為聯使之相
保相受刑罰慶賞相及相共以受邦職以役國事以相
葬埋比長五家相受相和親有臯奇衰則相及師氏掌
以燬詔王以三德教國子一曰至德以為道本二曰敏

德以為行本三曰教德以知逆惡教三行一曰孝行以親父母二曰友行以尊賢良三曰順行以事師長居虎門之左司王朝掌國中失之事以教國子弟凡國之貴遊子弟學焉凡祭祀賓客會同喪紀軍旅王舉則從聽治亦如之保氏掌諫王惡而養國子以道乃教之六藝一曰五禮二曰六樂三曰五射四曰五御五曰六書六曰九數乃教之六儀一曰祭祀之容二曰賓客之容三曰朝廷之容四曰喪紀之容五曰軍旅之容六曰車馬

之容凡祭祀賓客會同喪紀軍旅王舉則從聽治亦如之司諫掌糾萬民之德而勸之朋友正其行而強之道藝巡問而觀察之以時書其德行道藝辨其能而可任於國事者以攷鄉里之治以詔廢置以行赦宥司救掌萬民之衰惡過失而誅讓之以禮防禁而救之凡民之有衰惡者三讓而罰三罰而士加明刑恥諸嘉石役諸司空其有過失者三讓而罰三罰而歸于園土凡歲時有天患民病則以節巡國中及郊野而以王命施惠大

宗伯掌吉禮以實柴燠燎禋祀昊天上帝血祭社稷五
祀五嶽貍沈祭山林川澤鬻辜祭四方百物享先王春
祠夏禴秋嘗冬烝凶禮哀邦國一曰喪二曰荒三曰弔
四曰禴五曰恤所以補諸侯也賓禮春曰朝夏曰宗秋
曰覲冬曰遇時會殷同聘類所以圖事比功陳謨協慮
也所以發禁施政結好除慝也軍禮大師以用之大均
以恤之大田以簡之大役以任之大封以合之嘉禮飲
食親宗族兄弟昏冠成男女賓射親故舊朋友饗燕親

四方賓客賑膳親兄弟之國賀慶親異姓之國以禮樂合天地之化百物之產以事鬼神以諧萬民凡大祭祀卜日宿眡滌濯浹鬯省牲鑊奉玉盥詔大號若王不與祭祀則攝位凡大祭祀王后不與則攝而薦豆籩徹大賓客則攝而載果朝覲會同則為上相大喪亦如之王命諸侯則儉

論曰武王定天下命周公制禮追王大王王季文王上祀先公以天子之禮夫先公之於先王

雖有遠近侯王之制皆吾祖也故一事以天子之禮劉歆附會成書乃曰享先王則袞冕享先公享射則鷩冕是降先公於先王使與賓客為伍也天下寧有是故周禮之書顛倒人倫不可以為經也

又曰天子有天下祭祀以立本莫先於宗廟莫大於天莫重於社稷山川祀之經也觀周家庚戌之禮則鬼神之序可知矣周禮乃曰祀山川

則毳毼祭社稷則絺冕是以社稷降於山川也
故劉歆顛倒鬼神其書不得與易詩書春秋比
也

小宗伯掌建國之神位右社稷左宗廟掌五禮之禁令
與其用等掌三族之別以辨親疎其正室皆謂之門子
毛六牲辨其名物而頒之于五官使共奉之辨六齋之
名物與其用使六宮之人共奉之大祭祀省牲牝滌濯
逆齋省鑊將瓚裸賜卿大夫士爵則儉大師立軍社奉

主車大甸饁獸頒禽會同軍旅甸役之禱祠肆儀為位
肆師掌立大祀用玉帛牲牷立次祀用牲幣立小祀用
牲大祭祀展犧牲表盥盛告潔展器陳告備及果築鬻
禮成則告事畢凡事佐宗伯鬱人掌裸器凡裸玉濯之
陳之以贊裸事鬯人掌共秬鬯凡祭祀社壝用大罍滌
門用瓢齋廟用脩凡山川四方用蜃凡裸事用概凡鬻
事用散大喪之大泚設斗共其釁鬯凡王之齋事共其
秬鬯凡王弔臨共介鬯天府掌祖廟之守藏凡國之王

鎮大寶器藏焉若祭天之司民司祿而獻民數穀數則受而藏之守祧掌守先王先公之廟祧其遺衣服藏焉若將祭祀則各以其服授尸冢人掌公墓之地辨其兆域而為之圖先王之塋居中以昭穆為左右凡諸侯居左右以前卿大夫士居後各以其族凡死於兵者不入兆域凡有功者居前以爵等為丘封之度與其樹數凡祭墓為尸凡諸侯及諸臣塋於墓者授之兆為之蹕均其禁令國民族塋使皆有私地域職喪掌諸侯及卿大

夫士之喪蒞其禁令樂師掌教國子小舞凡舞有帔舞
有羽舞有皇舞有旄舞有干舞有人舞教樂儀行以肆
夏趨以采齊車亦如之環拜以鐘鼓為節大胥掌學士
之版以待致諸子春入學舍采合舞秋頒學合聲小胥
掌學士之徵令而比之觶其不敬者正樂縣之位王宮
縣諸侯軒縣卿大夫判縣士特縣辨其聲凡縣鐘磬半
為堵全為肆大師掌六律六同以合陰陽之聲陽聲黃
鍾大簇姑洗蕤賓夷則無射陰聲大呂應鍾南呂林鍾

小呂夾鍾皆文之以五聲宮商角徵羽皆播之以八音
金石土革絲木匏竹教六詩曰風曰賦曰比曰興曰雅
曰頌以六德為之本以六律為之音小師掌教鼓鼗祝
敔塤簫管弦歌鼓棟擊頌磬笙磬凡為樂器以十有二
律為之數度以十有二聲為之齊量凡和樂亦如之編
鐘以鐘鼓奏九夏王夏肆夏昭夏納夏章夏齊夏族夏
祫夏醵夏鼙鼓敔竽笙塤簫簫簨遂管春牘應雅以教
祫樂擊土鼓敔敔詩祈年于田祖以樂田畯

論曰樂舞所以象德也故必於其人必於其事
必於其時不於其人不於其事不於其時則為
無義人心不厭鬼神不饗也劉歆奈何牽合周
禮之文乃曰黃帝之雲門以祀天神堯之咸池
以祀地示舜之韶以祀四望禹之大夏以祀山
川成湯之大濩以祀先妣夫以雲門祭天猶可
言也地示鳥知堯之咸池四望鳥知舜之韶山
川鳥知禹之大夏而周之先妣鳥能知商湯之

大獲也哉設禮作樂而不知其義則何以為禮
樂也彼劉歆者叛父背君不祥之人也是烏知
禮樂世儒魯魯然推尊其書使與聖經並此愚
之所以拊膺太息論之而不能自己者也

又曰天命之謂性王者受命于天宰制天下其
所以祭祀天地者盡其心以成吾性耳非有天
地神示在吾度外有形體狀貌可得見而承事
之也劉歆周禮曰樂六變而天神皆降八變而

地示皆出此豈君子知理之言類巫祝造妖怪者之辭也則又以為神降示出然後可得而禮曾不知樂所以導和禮所以為節作樂乃所以行禮禮神也豈待神降示出然後行禮哉夫天地之道一往一來否泰相因變化無方人日用而不窮不可以智慮測度不可以才能作為者謂之鬼神鬼神特以往來言之道固一體不可分也先儒多以神屬之天鬼屬之人我知其不

知鬼神之情狀矣故易書詩春秋皆無如周禮
之文者然則劉歆偽妄其可不闕乎

太卜與其屬掌卜筮之占龜有六屬天曰靈地曰繹東
曰果西曰雷南曰獵北曰若秋取而春攻之上春釁之
及卜辨其上下左右陰陽陳之貞之命之作之作龜有
八命一曰征二曰象三曰與四曰謀五曰果六曰至七
曰雨八曰瘳辨九筮一曰更二曰咸三曰式四曰目五
曰易六曰比七曰祠八曰參九曰環凡國之大事筮而

後卜上春相著凡卜筮君占體大夫占色史占墨卜人
占坼掌三兆之法一曰玉兆二曰瓦兆三曰原兆其經
兆之體皆百有二十其頌皆十有二百兆分為四一曰
方二曰功三曰義四曰方掌三易一曰連山二曰歸藏
三曰周易其經卦皆八其別皆六十有四掌三夢一曰
致夢二曰觭夢三曰咸陟其經運十其別九十以八命
者贊三兆三易三夢之占以觀國家之吉凶以詔救政
馮相氏掌十有二歲十有二月十有二辰十有二十有


八星之次冬夏致日春秋致月辨四時之序以會天位
保章氏辨九州封域之分星至星辰日月之變動辨十
輝一曰禋二曰象三曰鑑四曰監五曰闇六曰曹七曰
彌八曰叙九曰濟十曰想以觀天下之遷分妖祥辨吉
凶以五雲之物辨豐荒之祲象以十有二風察天地之
和命乖別之妖祥以詔救政訪序事占夢以歲時觀天
地之會辨陰陽之氣以日月星辰占六夢之吉凶一曰
正二曰噩三曰思四曰寤五曰喜六曰懼季冬聘王夢

獻吉夢于王舍萌于四方遂令巫始儺毆疫堂贈無方
無筭春招弭以除疾殃太祝掌六祝之辭以事鬼神示
一曰順祝順豐年也二曰年祝求永真也三曰吉祝祈
福祥也四曰化祝弭災兵也五曰瑞祝逆時雨寧風旱
也六曰筴祝遠罪疾也掌六祈以同鬼神示一曰類二
曰造三曰禋四曰禴五曰攻六曰說作六辭以通上下親
疏遠近一曰祠二曰命三曰誥四曰會五曰禱六曰誅
辨六號一曰神二曰鬼三曰示四曰牲五曰齎六曰幣

辨九祭一曰命二曰衍三曰炮四曰周五曰振六曰擣
七曰絕八曰繚九曰共辨九拜一曰稽首二曰頓首三
曰空首四曰振動五曰吉六曰凶七曰奇八曰褒九曰
肅以享右祭祀國有大故歲彌祀社稷禱祠大師宜于
社造于祖設軍社類上帝有事于四望及軍歸獻于社
大會同造于廟宜于社過大山川則用事焉反行舍奠
建邦國先告后土用牲幣禁督逆祀命者旱暵則令巫
舞雩有寇戎則保郊祀于社大史掌六典灋則約劑以

貳六官頒告朔于邦國閏月詔王居門終月祭祀與執事讀禮書而協事大會同朝覲執書以詔王小史掌邦國之志典繫世辨昭穆若有事則詔王之忌諱讀禮灋佐太史卿大夫之喪賜諡讀誄內史掌王之八枋之法以詔王治一曰爵二曰祿三曰廢四曰置五曰殺六曰生七曰予八曰奪執國法及國令之貳以致政事以逆會計受納訪以詔王聽治凡命諸侯及孤卿大夫則策命之凡四方之事書內史讀之掌書王命遂貳之外史

掌書外令掌四方之志掌三皇五帝之書掌達書名于
四方御史掌邦國都鄙及萬民之治令以號冢宰掌贊書
凡數從政者



皇王大紀卷十八

欽定四庫全書

史部

皇王大紀卷

十九至
二十二

詳校官編修_臣范來宗

刑部郎中_臣許兆椿覆勘

總校官原任中允_臣王燕緒

校對官助教_臣黃昌禔

謄錄舉人_臣楊兆豐

欽定四庫全書

皇王大紀卷十九

宋 胡宏 撰

三王紀

周成王

大司馬制畿封國以正邦國設儀辨位以等邦國進賢
興功以作邦國建牧立監以維邦國制軍詰禁以糾邦
國施貢分職以任邦國簡稽鄉民以用邦國均守平則
以安邦國比小事大以和邦國以九伐之灋正邦國馮

弱犯寡則肯之賊賢害民則伐之暴內陵外則壇之野
荒民散則削之負固不服則侵之賊殺其親則正之放
弑其君則殘之犯令陵政則杜之外內亂鳥獸行則滅
之凡令賦以地與民制之上地食者三之二其民可用
者家三人中地食者半其民可用者二家五人下地食
者三之一其民可用者家二人中春教振旅中夏教爰
舍中秋教治兵中冬教大閱大合軍以行禁令以救無
辜伐有罪大會同則率士庶子而掌其政令大祭祀饗

食羞牲魚授其祭司勲掌六鄉賞地之灋以等其功王
功曰勲國功曰功民功曰庸事功曰勞治功曰力戰功
曰多凡有功者銘書於王之太常祭于大烝司勲詔之
凡賞無常輕重眡功凡頒賞地三之一食唯加田無國
征掌固掌脩城郭溝池樹渠之固頒其士庶子及其衆
庶之守造都邑治其固與其守灋凡國都之竟有溝樹
之固郊亦如之民皆有職焉若有山川則因之候人各
掌其方之道治與其禁令司士掌羣臣之版辨其年歲

與其貴賤周知邦國都家縣鄙之數卿大夫士庶子之數以詔王治以德詔爵以功詔祿以能詔事以久莫食唯賜無常正朝儀之位辨其貴賤之等王南鄉三公北面東上孤東面北上卿大夫西面北上王族故士虎士在路門之右南面東上大僕大右大僕從者在路門之左南面西上司士擯孤卿特揖大夫以其等旅揖士旁三揖王還揖門左揖門右大僕前王入內朝皆退凡祭祀帥其屬而割牲羞俎豆司右掌羣右之政令凡軍旅

會同合其車之卒伍而比其乘屬其右凡國之勇力之士能用五兵者屬焉虎賁氏掌先後王而趨以卒伍旅賁氏掌執戈盾夾王車而趨大僕掌正王之服位出入王之大命掌諸侯之復逆王祗朝則前正位而退入亦如之建路鼓于大寢之門外以待達窮者與遽令王出入則自左馭而前驅凡軍旅田役贊王鼓救日月亦如之小臣掌王之小命詔相王之小瀼儀掌三公及孤卿之復逆正王之燕服位王之燕出入則前驅御僕掌羣

吏之逆及庶民之復掌王之燕令隸僕掌五寢掃除之事大馭掌馭玉路以祀及犯軼王自左馭馭下祝登受轡犯軼遂驅之及祭酌僕僕左執轡右祭兩軹祭軌乃飲凡馭路行以肆夏趨以采齊凡馭路儀以鸞和為節戎僕掌馭戎車掌倅車之政以巡守及兵車之會齊僕掌馭金路以賓朝覲宗遇饗食道僕掌馭象路以朝夕燕出入掌貳車之政令田僕掌馭田路以田以鄙掌佐車之政凡田王提馬而走諸侯晉大夫馳車僕掌戎路

之萃廣車之萃闕車之萃革車之萃輕車之萃凡師共
革車各以其萃校人辨六馬之屬種馬一物戎馬一物
齊馬一物道馬一物田馬一物駕馬一物天子十有二
閑馬六種邦國六閑馬四種家四閑馬二種馬八尺以
上為龍七尺以上為駉六尺以上為馬職方氏掌天下
之圖周知其利害使同貫利東南曰揚州其山鎮曰會
稽其澤數曰具區其川三江其浸五湖其利金錫竹箭
其民二男五女其畜宜鳥獸其穀宜稻正南曰荊州其

山鎮曰衡山其澤藪曰雲夢其川江漢其浸潁湛其利
丹銀齒革其民一男二女其畜宜鳥獸其穀宜稻河南
曰豫州其山鎮曰華山其澤藪曰圃田其川滎雒其浸
波澨其利漆絲枲其民二男三女其畜宜六擾其穀
宜五種正東曰青州其山鎮曰沂山其澤藪曰望諸其
川淮泗其浸沂沭其利蒲魚其民二男二女其畜宜雞
狗其穀宜稻麥河東曰兗州其山鎮曰岱山其澤藪曰
大野其川河汾其浸盧維其利蒲魚其民二男三女其

畜宜六擾其穀宜四種正西曰雍州其山鎮曰嶽山其
澤藪曰弦蒲其川涇汭其浸渭洛其利玉石其民三男
二女其畜宜牛馬其穀宜黍稷東北曰幽州其山鎮曰
醫無閭其澤藪曰獫狁其川河滂其浸淄時其利魚鹽
其民一男三女其畜宜四擾其穀宜三種河內曰冀州
其山鎮曰霍山其澤藪曰楊紆其川漳其浸汾潞其利
松柏其民五男三女其畜宜牛羊其穀宜黍稷正北曰
并州其山鎮曰恒山其澤藪曰昭餘祁其川滹沱嘔夷

其浸淲易其利布帛其民二男三女其畜宜五擾其穀
宜五種凡邦國大小相維王設其牧制其職各以其所
能制其貢各以其所有形方氏掌制邦國之地域而正
其封疆無有華離之地使小國事大國大國比小國大
司寇掌三典一曰刑新國用輕典二曰刑平國用中典
三曰刑亂國用重典以五刑糾萬民一曰野刑上功糾
力二曰軍刑上命糾守三曰鄉刑上德糾孝四曰官刑
上能糾職五曰國刑上愿糾暴以圜土聚教罷民凡害

人者寘之園土弗使冠飾而施職事焉以明刑恥之其
能改者上罪三年而舍中罪二年而舍下罪一年而舍
反於中國不齒三年其不能改而出園土者殺凡園土
之刑人也不虧體其罰人也不虧財以兩造禁民訟入
束矢於朝然後聽之以兩劑禁民獄入鈞金三日乃致
于朝然後聽之以嘉石平罷民凡萬民之有罪過而未
麗於灋而害於州里者桎梏而坐諸嘉石役諸司空重
罪旬有三日坐舂役其次九日坐九月役其次七日坐

七月役其次五日坐五月役其下罪三日坐三月役使
州里任之則宥而舍之以肺石達窮民凡遠近惇獨老
幼之欲有復於上而其長弗達者立於肺石三日士聽
其辭以告於上而罪其長凡諸侯之獄訟以邦典定之
凡卿大夫之獄訟以邦灋斷之凡庶民之獄訟以邦成
弊之小司寇以五刑聽萬民之獄訟附于刑用情訊之
至于旬乃弊之讀書則用灋凡命夫命婦不躬坐獄訟
凡王之同族有罪不即市奉而適甸師氏以待刑殺以

五聲聽獄訟求民情一曰辭聽二曰色聽三曰氣聽四曰耳聽五曰目聽以八辟麗邦灋附刑罰一曰議親二曰議故三曰議賢四曰議能五曰議功六曰議貴七曰議勤八曰議賓聽民之所刺宥以施上服下服之刑大比登民數自生齒以上登于天府內史司會冢宰貳之以制國用孟冬司民獻民數於王王拜受之以圖國用而進退之歲終則令羣士計獄弊訟登中于天府司刑掌五刑之灋以麗萬民之罪墨罪五百劓罪五百宮罪

五百則罪五百殺罪五百若司寇聽獄弊訟則以五刑之灋詔刑罰而以辨罪之輕重墨者使守門劓者使守關宮者使守內則者使守圉髡者使守積司刺掌三刺三宥三赦之法以贊司寇聽獄訟一刺曰訊羣臣再刺曰訊羣吏三刺曰訊萬民一宥曰不識再宥曰過失三宥曰遺忘一赦曰幼弱再赦曰老耄三赦曰蠢愚以此三法求民情斷民中而施上服下服之罪司約掌邦國及萬民之約劑治神之約為上治民之約次之治地之

約次之治功之約次之治器之約次之治摯之約次之
凡大約劑書於宗彙小約劑書於丹圖若有訟者則珥
而辟藏其不信者服墨若大亂則六官辟藏其不信者
殺司盟凡邦國有疑會同則掌其盟約之載既盟則貳
之司隸帥其民而搏盜賊凡囚執人之事士師掌五禁
左右刑罰一曰宮禁二曰官禁三曰國禁四曰野禁五
曰軍禁以木鐸徇于朝書而縣于門閭禁庶民之亂暴
力正者矯誣犯禁者作語言而不信者禁野之橫行徑

踰者禁山之為苑澤之沈者禁川游者禦晨行者禁宵
行者夜遊者禁以兵革趨行者禁馳騁於國中者禁詔
呼歎鳴於國中者行歌哭於國中之道者幾禁行作不
時者不物者幾酒謹酒以五戒先後刑罰毋使罪麗于
民一曰誓用之于軍旅二曰誥用之于會同三曰禁用
諸田役四曰糾用諸國中五曰憲用諸都鄙掌士之八
成一曰邦汭二曰邦賊三曰邦諜四曰犯邦令五曰矯
邦令六曰邦盜七曰邦朋八曰邦誣

論曰此司寇之書宅心忠恕雖條貫闕失而卹刑之意深殆周公之遺法也歟春秋之時鄭子產趙宣子始出入先王用刑之法作為刑書未流至於暴秦以斬劓人為不足而夷人之三族帝王五刑之典盡廢而墨劓剕宮大辟五虐之刑獨行天下之人搥手觸重罪而無輕刑以當之漢孝文哀民之無辜於是廢肉刑而立笞與棄市之法雖卹民之意甚至而未知先王五刑

之本也故當斬右趾者棄市笞者往往至死雖
名為輕刑而實殺人與專用肉刑無異故後世
不得不更之以輕至于今有笞杖徒流絞斬雖
差善於漢然使人自新之路猶狹繩人以罪之
法猶急非帝王以刑弼教之意也虞書曰象以
典刑鞭作官刑扑作教刑金作贖刑怙終賊刑
此乃帝王正五刑也又曰流宥五刑五刑有服
五服三就五流有宅五宅三居是此正五刑皆

有流宥之法也墨劓剕宮大辟賊刑之科目也
後世止以是為五刑故肉刑一廢遂不可復非
不可復也不行帝王正五刑而專以賊刑當天
下之罪慘莫甚焉自非天下之至不仁者孰忍
專用之若盡復正五刑於當絞斬之科增立劓
剕與宮無遂絕人命而笞杖悉行流宥之法無
輕折辱人典刑所以待士大夫也昔人為輔相
士大夫失行有能不顯其過隨宜他叙人以為

媿至於無敢犯者意其近似典刑流宥之法也
鞭刑所以待府史胥徒在官之有過者扑刑所
以待士農工商從師之不率者嘉石之役疑其
近似鞭刑流宥之法也朝庠之禮疑其近似扑
刑流宥之法也雖鞭扑輕刑聖人猶慎行之待
人如此其有禮也人豈得不生媿恥其能使天
下人人有士君子之行無足怪也流宥之而不
改然後刑之而不改然後當之以墨劓剕

宮大辟則又審其輕重而許之贖又流宥之今
之三流圜土之禁其近之乎及其終不改然後
殘賊其肌體雖殺之所謂以生道殺之也其誰
不心悅誠服乎行之以歲月頑鈍無恥之風宜
亦少衰矣

大司徒掌天下土地之圖周知九州之地域廣輪之數
辨其山林川澤丘陵墳衍原隰之名物而辨其邦國都
鄙之數制其畿疆而溝封之設其社稷之壇而樹之田

主各以其野之所宜木遂以名其社與其野載師掌任
土之法以物地事授地職而待其政令以廬里任國中
之地以場圃任園地以宅田士田賈田任近郊之地以
官田牛田賞田牧田任遠郊之地以公邑之田任甸地
以家邑之田任稍地以小都之田任縣地以大都之田
任疆地凡任地國宅無征園廬二十而一近郊十一遠
郊二十而三甸稍縣都皆無過十二唯其漆林之征二
十而五凡宅不毛者有里布凡田不耕者出屋粟凡民

無職事者出夫家之征以時徵其賦閭師掌國中及四郊之人民六畜之數以任其力以待其政令以時徵其賦凡任民任農以耕事貢九穀任圃以樹事貢草木任工以飭材事貢器物任商以市事貢貨賄任牧以畜事貢鳥獸任嬪以女事貢布帛任衡以山事貢其物任虞以澤事貢其物凡無職者出夫布凡庶民不畜者祭無牲不耕者祭無盛不樹者無槨不蠶者不帛不績者不衰遺人掌邦之委積以待施惠鄉里之委積以恤民之

善阨門關之委積以養老孤郊里之委積以待賓客野
鄙之委積以待羈旅縣都之委積以待凶荒凡賓客會
同師役掌其道路之委積凡國野之道十里有廬廬有
飲食三十里有宿宿有路室路室有委五十里有市市
有候館候館有積凡委積之事巡而比之以時頒之均
人掌均地政均地守均地職均人民牛馬車輦之力政
凡均力政以歲上下豐年則公旬用三日焉中年則公
旬用二日焉無年則公旬用一日焉凶札則無力政無

財賦不収地守地職不均地政三年大比則大均廩人
掌九穀之數以待國之匪頒賜賜稍食以歲之上下數
邦用凡萬民之食食者人四鬴上也人三鬴中也人二
鬴下也若食不能人二鬴則令邦移民就穀詔王殺邦
用司市以次叙分地而經市以陳肆辨物而平市以政
令禁物靡而均市以商賈阜貨而行布以度量成賈而
徵債以質劑結信而止訟以賈民禁偽而除詐以刑罰
禁競而去盜以泉府同貨而斂賒大市以質小市以劑

大市日昃而市百族為主朝市朝時商賈為主夕市夕時販夫販婦為主凡陳貨賄名相近者相遠也實相近者相邇也而平正之凡治貨賄六畜珍異亡者使有利者使阜害者使亡靡者使微國凶荒札喪則市無征而作布凡市偽飭之禁在民商工賈皆十有二市刑小刑憲罰中刑徇罰大刑扑罰其附于刑者歸于士國君過市則刑人赦夫人過市罰一幕世子過市罰一幣命夫過市罰一蓋命婦過市罰一帷凡天患禁貴儻者使有

恒賈四時之珍異亦如之。廛人掌斂布帛總布質布
罰布。廛布入于泉府以斂布之不售貨之滯于民用者
以其賈買之物揭而書之以待不時而買者賣者各從
其抵都鄙從其主國人郊人從其有司然後予之。凡賒
者祭祀無過旬日喪紀無過三日凡民之貨者與其有
司辨而授之以國服為之息約以國之所用來償以此
使為息也。禁鬪毆詭亂者出入相凌犯者以屬遊飲食
于市者若不可禁則搏而戮之坐而論道謂之王公作

而行之謂之士大夫審曲面勢以飭五材以辨民器謂之百工百工之事皆聖人之所作也智者創物巧者述之守之世謂之工天有時地有氣材有美工有巧合此四者然後可以為良也攻木之工七輪輿弓廬匠車梓攻金之工六築冶皐桌段桃攻皮之工五函鮑鞞韋裘設色之工五畫繪鍾筐幌刮摩之工五玉柳雕矢磬搏埴之工二陶旒有虞氏上陶夏后氏上匠殷人上梓周人上輿故一器而工聚焉者車為多車有六等輶有三

度軸有三理軫之方也以象地也蓋之圜也以象天也
輪輻三十以象日月也蓋弓二十有八以象星也龍旂
九旂以象大火也鳥旗七旂以象鶉火也熊旗六旂以
象伐也龜蛇四旂以象營室也弧旌枉矢以象弧也

論曰謹按孔子定書周官六卿冢宰掌邦治統
百官均四海者也今以劉歆所成周禮攷之太
宰掌建邦之六典夫太宰統五官之典以為治
者豈於五官之外更有治典哉則掌建六典歆

之妄也太宰之屬六十小宰也司會也司書也
職內也職歲也職幣也是六官之所掌詞繁而
事複類皆簿書期會之末俗吏掊克之所為而
非贊冢宰進退百官均一四海之治者也古之
君國子民者以義為利不以利為利故百乘之
家不畜聚斂之臣與其有聚斂之臣寧有盜臣
今天官有宰夫者攷羣都縣鄙之治乘其財用
之出入凡失財用物辟名者誅之其足用長財

善物者賞之夫君相守恭儉而不尚末作使民
務本則足用長財之要也百官有司謹守其職
豈敢踰越制度自以足用長財為事若劉歆之
說是使百官有司不守三尺上交征利權剥
其民以危亡其國之道非周公致太平之典也
古之王者守禮寡欲由義而行無所忌諱不畏
災患今天官甸師乃曰喪事代王受青災此楚
昭宋景之所不為者也而謂周公立以為訓開

後王忌諱之端乎先王之制凡官府次舍列于庫門之外所以別內外嚴貴賤也今宮正乃比宮中之官府次舍之衆寡又曰去其奇袤之民則是妃嬪與官吏衆庶雜處簾陛不嚴而內外亂矣宮伯掌王宮之士庶子鄭玄以為宮中諸吏之嫡庶宿衛王宮者也天子深居九重前朝後市謹之以門衛嚴之以城郭溝池環之以鄉遂縣都藩之以侯甸男邦采衛守之以夷蠻戎

狄周匝四垂中天下而立定四海之民周公乃
於宮中置諸吏又以其士庶子衛王宮何示人
不廣而自削弱如此也王后之職恭儉不妬忌
帥夫人嬪婦以承天子奉宗廟而已矣今內宰
凡建國佐后立市豈后之職也哉內小臣掌王
后之命后有好事于四方則使往有好令于卿
大夫則亦如之閤人掌守王宮中門之禁說者
以為此二官奄者墨者也婦人無外事以貞潔

為行若外通諸侯內交羣下則將安用君矣夫
人臣尚無境外之交曾謂后而可乎古者不使
刑人守門公家不畜刑人大夫弗養士遇諸塗
弗與言也周公作立政戒成王以恤左右綴衣
虎賁欲其皆得俊乂之人今反以隱宮刑餘在
日月之側開亂亡之端乎寺人內豎賤人非所
貴也女祝掌宮中禱祠禳禱之事夫祭祀之禮
天子公卿大夫士行之於外后妃夫人嬪婦供

祭服籩豆於內凡天地宗廟山川百神祀有常
典又安用此么麼禱祠禳禱於宮中此殆漢世
女巫執左道入宮中乘妃姬爭妬與為厭勝之
事者劉歆乃以為太宰之屬置於王宮其誣周
公也甚矣冢宰當以天下自任故王者內嬖嬖
婦敵於后外寵庶孽齊於嫡宴遊無度衣服無
章賜予無節法度之廢將自此始雖在內廷為
冢宰者真當任其責者也若九嬪之婦法世婦

之宮具女御之功事女史之內政典婦之女功
后夫人之職也王安石以為皆統於冢宰則王
所以治內可謂至公而盡正矣夫順理而無阿
私之謂公由理而無邪曲之謂正脩身以齊家
此王者治國平天下之定理所自盡心者苟身
不能齊家而以付之冢宰為王也悖理莫甚焉
又可謂之公正乎噫安石真姦人哉四方職貢
各有定制王者為天下主財奉禮義以養天下

無非王者之財也不可以有公私之異今大府
乃有式貢之餘財以共玩好之用不幾有如李
唐之君受裴延齡之欺罔者乎玉府乃有王之
金玉良貨賄之藏不幾有如漢桓靈置私庫者
乎內府乃有四方金玉齒革良貨賄之獻而共
王之好賜不幾有如李唐之君受四方羨餘之
輕侮者乎王之裘服宜夫人嬪婦之任也今既
有司裘又有縫人屨人等九官則皆掌衣服者

也膳夫酒正之職固不可廢又有醋人鹽人等十有六官則皆掌飲食者也醫師之職固不可廢又有獸醫等五官皆醫事也審幕次舍之事固不可廢而皂隸之所作也亦置五官焉凡此類不應冗濫如是且皆執技以事上役於人者也而以爲冢宰進退百官均一四海之屬何也漢興經五伯七雄聖道絕滅大亂之後陳平爲相尚不肯任廷尉內史之事況周公承文武之

德相成王為太師乃廣置宮闕猥褻衣服飲食
技藝之官以為屬必不然矣其末則又有夏采
之官焉專掌王崩復土者嗚呼安得是不祥之
人哉禮官臨大變一時行之可矣乃預置官以
俟王崩而行其職何不祥之甚也太宰之屬六
十有二攷之未有一官完善者則五卿之屬可
知矣而可謂之經與易詩書春秋配乎又按周
公司徒掌邦教數五典者也司空掌邦土居四

民者也世傳周禮缺冬官愚攷其書而質其事
則冬官未嘗闕也乃劉歆顛迷妄以冬官事屬
之地官其大綱已失亂如是又可信以為經與
易詩書春秋配乎昔先王盛時不令而行不禁
而止天下風動無一物不得其所其次猶令行
禁止天下無冤民今劉歆司徒之屬有調人者
掌和萬民之難有辟讎之法有交讎之令有成
鬬怒之書此下陵上替政令不行之明徵也周

公力平王室身致太平其經世之典固如是哉
王者提綱撫世已受大不窺小今劉歆司徒之
屬有壓人者凡珍異之有滯者斂而入于膳府
其細已甚矣細已甚而民不傷者未之有也夫
齊民非有勢禁也徒以財利相役猶能制人之
命破人之產招怨生禍況人君居九重以雷霆
之威萬鈞之勢而細可行哉百官有司必承望
風旨禦人於國門之外使民欲與之偕亡而後

已也又有泉府者掌買賣商賈之滯貨斂散百姓之賒貸夫審於音者聾於官理勢自然王者布正大之德以治世不行煦沫姑息之惠以沽名乃能張理天網整頓萬姓若夫買賣賒貸之事正市井商賈爭錐刀之末而草莽細民私相交際之所為也宜大君之所宜及哉其言顛悖如是乃尊以為經使與易詩書並是學者之不察也愚又攷劉歆王畿之制邦中為六卿四郊

為六遂遂外為邦甸外為家削削外為邦縣
縣外為邦都名雖不同其制度則一不應更有
異也其所載鄉遂之官比與里皆下士一人閭
與鄰皆中士一人族與鄙皆上士一人黨與縣
皆下大夫一人州與遂皆中大夫一人鄉卿一
人王畿八百萬家略計其所當置卿大夫士已
有百餘人矣成王固曰唐虞稽古建官惟百夏
商官倍今予小子仰惟前代時若訓迪厥官說

者謂周官三百也今乃冗濫如是又設三百六十職焉其妄誕不經昭昭矣自劉歆成書獨鄭康成推贊之真周公之罪人也謹按劉歆漢家賢宗室向之子附會王莽變亂舊章殘賊本宗以趨榮利周禮之書本成於孝武之時為其雜亂藏之秘府不以列於學宮及成哀之世歆得校理秘書始列序為經衆儒共排其非惟歆以為是夫歆不知天下有三綱以親則背父以尊

則背君與周公所為正相反者也其所列序之
書假託周官之名勦入私說希合賊莽之所為
爾王安石乃酷好亂臣賊子偽妄之書而廢大
聖垂老筆削之經棄恭儉而崇汰侈舍仁義而
營貨財不數十年夷戎亂華首足易位塗炭天
下未知終始原禍亂之本乃在於是嗚呼悲夫
有天下者尚監之哉

皇王大紀卷十九